

# Grønlands tekniske Organisationi pillugu Inatsisartut peqquussutaat

Innaallagissamut, imermut kiassarnermullu, qatserisarnermut, umiarsualivinnut, aqqusinernut, nalunaarasuartaaseriveqarfinnut il.il. pillugit Kalaallit Nunaannut inatsit nr. 943 af 23. december 1986-imeersoq naapertorlugu makku aalajangersarneqarput:

## Kapitali 1

### *Pilfersinnera siunertaalu*

**§ 1.** Kalaallit Nunaanni Namminersornerullutik Oqartussat Grønlands tekniske Organisationi, GTO, 1. januar 1987-imi tigussavaat.

**§ 2.** GTO ingerlatsiviwoq Namminersornerullutik Oqartussat sinnerlugit, makkuningga suliassaqartoq:

- 1) Namminersornerullutik Oqartussat illoqarfinni innaallagissamik-, imermik kiassarnermillu pilersuinerannik ingerlatsineq, kiisalu innaallagissamik atassusersuineq kuuffissualersuinerlu.
  - 2) Namminersornerullutik Oqartussat illuliortiternermut pisortaqarfiannik ingerlatsineq, tassunga ilanngullugit ilaatigut inissaqartitsineq nerisaqartitsinerlu kiisalu biililorfit ingerlanneri aammalu umiarsualivinnik aserfallatsaaliuineq.
  - 3) Namminersornerullutik Oqartussat umiatsialiorfiutaannik ingerlatsineq tassunga ilannguullugu suliffissuaqarnermik ingerlatsineq.
  - 4) Kalaallit Nunaanni Nalunaarasuartaaserisoqarfimmik ingerlatsineq ilaatigut telefonikkut telexikkut qarasaasiatigullu atassuteqarneq ilanngullugit.
  - 5) Narsarsuarmi Mittarfimmik ingerlatsineq.
  - 6) Kalaallit Nunaanni illunik nalunaarsuineq.
  - 7) Sanaartornermi illuliortiternermilu allaffeqarfik, tassunga ilaallutik pilersaarusiortarneq, sanaassanik titartaaneq, sanasussarsiuussisarneq nakkutilliinerlu.
  - 8) Illuliortiterfissanik sanaartorfissanillu misisueqqaartarneq, tassunga ilanngullugit imermik nukiliorfit kiisalu Kalaallit Nunaanni illoqarfitt nunaqarfitt nunap assiliorneri.
  - 9) Teknikkimut tunngasuni ilaatigut pilersaarusiornermi aaminalu pisortatut maleruagassiornermi siunnersuineq kiisalu nakkatigisassat ilaannik nakkutilliineq.
- Imm. 2. Naalakkersuisut aalajangersinnaavaat GTO-p allanik suliaqarnissaa, imm. 1-imi taaneqartat saniatigut, imaluunniit aalajangersinnaallutik allat imm. 1-imi taaneqartunik suliassanik isumaginnissasut.*

## Kapitali 2

## *Aaqqissuussineq, ingerlatsineq aqutsinerlu*

**§ 3.** GTO Namminersornerullutik Oqartussat ingerlassaattut aaqqissuussaassaaq qullersaqrarfia Nuummi inissitaalluni.

*Imm. 2.* GTO pisortamit aqunneqassaaq Naalakkersuisunit atorfinitssinnejartumit.

*Imm. 3.* GTO-mut ukiumut atugassiissutit Inatsisartut aningaasanut inatsisaatigut aalajangersarneqartassapput.

*Imm. 4.* Ukiup ingerlanerani innaallagissap, erngup, kiassarnerup kiisalu telefonip, telexip qarasaasiakkullu atassuteqaatit akiisa allanngortinneri atulersitsinnagit Inatsisartut aningaasanut ataatsimiititaliaannut akuerisassatut saqqummiunneqartassapput.

*Imm. 5.* Akit allanngortut allat atalinnginnerini Naalakkersuisunut akuerisassanngorlugit saqqummiunneqartassapput.

**§ 4.** Naalakkersuisut § 2-i imm. 1-imiktaaneqartumik suliassat isumagineqarnissaat qulakkeerniarlugu GTO-paaqqissugaaneranut, ingerlanneranut aqunneqarneranallu erseqqinnerusunik aalajangersagaliorsinnaapput.

**§ 5.** Naalakkersuisut Kalaallit Nunaanni landsdommeri isumaqtiginiareerlugu Kalaallit Nunaanni illunik nalunaarsuinermut maleruagassanik aalajangersaassapput, tassunga ilanggullugu illunik pisup piginnittut nikinnerinik nalunaarnissamik pisussaaffeqarneranut maleruagassanik aamma aalajangersaallutik.

*Imm. 2.* Illunik nalunaarsuineq tamakkiisumik ilaannakortumilluunniit Naalakkersuisunit kommunenut suliassiissutigineqarsinnaapput.

*Imm. 3.* Illunik nalunaarsuinermut tunngasut kommunenut suliassiissutiginerini Naalakkersuisut maleruagassanik aalajangersaasinnaapput, taavalu kommunet illunik nalunaarsuinermut tassungalu atasumik piginnittut nikinnerinik nalunaaruteqarnermut akiliummik piumasaqarsinnaallutik.

*Imm. 4.* Maleruagassani aalajangersakkanut matumunnga naapertuuttumik atulersinneqarluni aalajangersarneqarsinnaavoq maleruagassanik unioqquitsineq akiliisitsinermik pineqaatissiissutaasinnaasoq.

## **Kapitali 3**

### *Ikaarsaariarnermi aalajangersakkat*

**§ 6.** Maannamut maleruagassat Kalaallit Nunaannut ministereqarfimmit GTO-millu suliassanut § 2, imm. 1-mi taaneqartunut aaqqissuussinerit atortuuginnassapput allanngortinneqarnissaasa imaluunniit atorunnaarsinneqarnissaasa tungaannut.

## **Kapitali 4**

### *Atulersinierup ullua*

**§ 7.** Inatsisartut peqqussutaat una 1. januar 1987-imi atulissaaq Kalaallit Nunaannut inatsisip innaallagissamut, imermut, kiassarnermullu, qatserisartoqarnetrmut, umiarsualivinuut, aqqusinernut, nalanaarasuartaaseriveqarnermut il.il. tunngasup folketingimit akuerineqarnissa tungavigalugu.

*Kalaallit Nunaanni Namminersornerullutik Oqartussat, ulloq 19. december 1986.*

Jonathan Motzfeldt

/

John E.Jensen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut